

S. N. C.
P. LINZE
122
1



Ein trostlich pre-
dig von der gnaden got-
tes vnd fryen willen.

Vnd von dem gewalt der schlüssel sanc
Petri. Beschriben durch D. Mar-
tinum Luther.



Gedruckt zu Basel/durch Adam Perri
M. D. XX.



Ein Sermon vñ sant Peters vnd Paulus fest Doctours Martin Luther.

Das ewangelii Matthei. xvj. luter also.



Bist Jesus kum-

men in die gegen der stat Cesaria die Philippus erdwet hat/vnd aldo fraget er sine iunger/Was sagen die lüt von dem sün des mēschen. do haben sy gesage. Etlich sage du syest Johānes der reußer/Etlich du syest Elias/etlich Hieronias/oder sunst einer vñ den propheten. Do sprach Jesus zu in Was saget dan ir von mir? Do antwürt Simon Petrus vnd sprach. Du bist Christus ein sün des lebendige gotts. Do antwürt im Jesus/vnd sagt. Wol dir o Simon Bariona/dan fleisch vnd blüt hat dir das nit offenbaret/sunder myn vatter der im himel ist. Vnd ich sag dir auch/du bist Petrus(das ist ein fels) vnd vñ disen fels wil ich bauen myn kirche/vnd der gewalt der hellē sollē nit sy übermügen/vnd dir wil ich geben die schlüssel des himelrichs/was du wirt binden vñ erden/das sol gebundē syn im hymel/vnd was du wirt vñ lösen vñ erde/das sol vñ gelöstē syn im hymel.

Das ewangelii begreiff alle materien der ganzen disputation/das es von zweyerley materien fürnemlich rede Zum ersten von der gnade gottes/vnd vnserm freyen willen. Zum andern/von dem gewalt sant Peters/vnd der schlüssel. Das erst greiff an die grossen wysen vnd heilige wil sy gar zu nicht machē/so sy doch meynē durch ir kunfft vnd werck alle ding vñ zu richten. Aber hie leret der herr/

Das alles vmb sunst sey/was fleisch vnd blüt ist oder ver-
mag. Dañ Chrustum mag niemant erkennen (schwyg dañ
folgē) vñ fleisch vnd blüt/sunder der vatter im himel müß
in offenbaren/wie hie sant Petro geschehen. Das zeiget
auch an/do er fragt/was die lüt von im sagten/vnd kein
gewiß bestendig antwürt geben wart/sunder mächerley/
vnd wanckelbar meinig vnd whon des folcks erzelet/vñ
zu wysen das on die gnad gottes man hin vnd her wanck
vnd vnbestendig whon vñ got hat/bis das der vatter of-
fenbart/do erkent der mensch was Chrustus sey.

¶ Daruß folgt/das der fry will des mēschen (mā loß vñ
heß in/wie man wil) gar nichts vermag vñ in selbs/vnd
nit in siner wilkür frystat/güts zu erkēnē oder thūn/son-
der allein in der gnadē gottes/die in fry macht/an welche
er on sünd vnd irtum gefangen ligt/vnd nit heruß von im
selbs kummē mag. Als auch Chrustus sagt Johānes. viij.
Wāñ ick die warheit fry macht/so sind ick recht fry. Wer
aber sünd thūt/der ist ein knecht der sünd. Also auch sant
Paulus sagt Rōm. iij. Es ist kein mensch vñ erden/der do-
stūm sey vnd gottes verstendig/wol thūn/sunder sy dērfē
sen alle gottes gnaden. Auch so wir von vns selbs güts an-
sehen möchten/waruß heiße vns dañ Chrustus bittē vmb
gnad/vnd leret vns im Vatter vnser sagen/dyn will ge-
schehe/als in hymel vnd vñ erdē/do mit bewert wirt/das
wir gottes willen nit mügen thūn vñ vnserm fryen willē.
Wytter folgt/das man den fryen willen nymmer recht neñt
oder verstat/er sey dañ mit gottes gnadē gezieret/on wel-
che er mer ein eigner dañ fryer will heysen sol/dā on gnad
ehit er nit gottes willen/sunder sinen eigen willē/der nym-
mer güt ist. Er ist wol fry gewesen in Adam. Aber nūn
durch sinen fall vererbt vnd in sündē gefangē/doch den
namen des fryen willē behalten/daruß das er fry gewest.

Wie mā frum
werden sol.

vnd durch gnad wider frey werden sol. ¶ Wan man nū
Begetet zū wissen/wieman frum werden vnd wolthun sol
welchs dan die gemeyn frag ist. Hab ich gesagt/das das
erst vnd fürnemest sey/dz einer wiß wie er von im selbs nit
mag frum werden oder wolthon. Darumb er muß an im
selbs verzwyfeln/hend vnd fuß gan lassen/sich als einen
vnnützen menschen vor Gottes augen klagen/vnd aldo
syn götliche gnad antreffen/in welche er festiglich vertus
wē sol. Vñ wer einen andern anfang lert oder sucht/dan
nach diser wiß/der irret vnd verführet sich vñ andere/wie
dan thun die do sagen. Ey du hast ein freyen willē/thu so
vil in dir ist/got wirt das syn thun/vnd mānen man sol
die lüt nit verzwyfeln heißen. Ja freylich sol mā sy nit ver
zwyfeln heißen. Aber das verzwyfeln muß man recht vß
rechen. An gottes gnade sol niemant verzwyfeln/sunder
wider alle welt vnd alle sünd/festiglich vff gottes hüff sich
verlassen/aber an im selbs sol man gar verzagen/vnd ir
keinen weg sich verlassen vff synen freyen willen/das aller
wenigst wercklin zū thun. ¶ Darumb spücht wol sane
Hieronymus über diß ewangelii/das zū mercken sey wie
Christus sine iunger fragt was die menschen von im sage
vnd darnach/was sy von im sagten/glych als sy nit mē
schen weren. Dan war ist es/das der mensch mit gnaden
beholffen/mer ist dan ein mēsch. Ja die gnad gots mache
in got soumig/vñ vergottet in/das in auch die schrifft/got
vnd gottes sun heißt/also muß der mensch über fleisch vñ
blut vßgezogen werden/vnd mer dan mensch werden sol
er frum werden/das geschieht nū anfanglich wann der
mensch das erkent als im selbs vnnützlich vnd demütig
lich die gnad gottes darzū sucht/an im selbs gāz verzwy
felt. Darnach folgen aller erst die gūten werck/wann die
gnad also erlangt ist/dan hastu ein freyen willen/dan thu

was in dir ist. ¶ Es ist nit möglich dz got einem mēschē
syn gnad versag/der massen vñ ganzem hertzen erkenne
syn vnuermügen/vnd an im selbs luter verzagt. Das ist
die best vnd nechst bereytung zñ der gnadē/wie die mēster
gottes in item lobsang leret/vnd sagt. Er hat die hungeri
gen vñ dürstigen erfüllt mit allen gütern. ¶ Das solt mā
predigen vnd die lüt vor ledig machen von item eigen fal
schen vertrauen/vnd dan füllen mit gütern wercken. So
leren sy vns nit vil güter werck thūn/vnd gar wenig von
dem anfang güte werck zñ thūn/da doch mer angelegen
ist/dan an den güte wercken/dan wo der anfang nit güte
ist/wirt selten ein güte end folgen/wo aber die gnad gotts
erlangt ist/werden werck fast von in selber folgen. ¶ Dis
verzweifeln vnd gnad suchen/sol nit ein stund oder ein ze
iten vnd dan vñffhören/sunder all vnser werck/wort/ge
dancken diuyl wir hie leben/nit anders gericht sind dan
dohin/das mā allzyt in syn selbs verzweifeln/vnd in got
tes gnaden/Begird/vnd senüg bliß/wie der prophet sagt
Psal. xli. Myn sel hat sich begeret nach dir/myn gott/als
der Hirz nach dem bunnwasser. Myn sel dürstet nach dē
lebendigen starcken got. O wañ wirt es das ich kum vnd
erschyn vor dem angesicht gottes/solchs verlangen nach
got/vnd frum zñ syn/hebt die gnad an vnd weret biß in
den tod/darüb so müß auch daneben werten/das verzagē
an im selbs/vnd nach blyben falsch eygen vertrauen.

Das ander teyl von dem gewalt sant Peters.



Bist dem gemeinen
man nit not vil zū disputiren vō sant Pe-
ters oder Bāpffliche gewalt/dalygt mer
an/das man wisse wie man den selben se-
liglich gebuochē sol. Es ist war die schlüs-
sel sind sant Peter geben/aber nit im als siner person/son-
der in person der Chrißtlichen kirchē/vnd sind eben mit vū
dir gebē zū trost vnserm gewissen/sant Peter oder ein pue-
ster ist ein diener an den schlüsseln. Die kirch ist die frauw
vnd buot/der er sol dienen mit der schlüssel gewalt/als wie
dañ sehen in teglichem buoch/das die sacrament gereicht
werden allen die sy von den püestern begeren.

Nün das man vernem/wie man der schlüssel seliglich
buoch/hab ich daroben gesagt/wañ man frum syn begett
vnd durch vnser vermügen verzyhung/vns der gnaden
empfanglich gemacht/so lygt nün daran/das man wisse
ob mā gottes gnaden erlangt hab/dañ man müß wissen
wie man mit got daran sey/sol anders das gewissen also
syn vnd bestan/wañ so yemant daran zwyfelt vñ nit fest
darfür helt/er hab einē gnedigē got/der hat in auch nit/
wie er glaubt/so hat er darū so mag niemāt wissen das
er in gnaden sey/vnd got in gūnstig sey/dañ durch den
glauben/glaubt er es so ist er selig/glaubt er es nit so ist er
verdampft/dañ ein solche zūuersicht vnd gūt gewissen ist
der recht grund gūter glaub/die gottes gnad in vns wir-
cket. Sich hie zū/diene dir die schlüssel/da zū sind die pü-
ster vffgesetzt/wañ du empfindst dyn hertz/das es wan-
ckelt oder zwyfelt/du syest nit in gnaden vor gottes augē

da ist hohe zyt das du zūm p̄ster gast/vnd Begerest ein
absolution über dyn sünd/vnd sūchst also den gewalt vñ
trost der schlüssel/wañ nūn der p̄ster schlūst ein v̄teyl/
vnd absoluirt dich/so ist es also vil gesage/dyn sünd synd
vergeben/du hast ein gnedigen gott/das ist ein tröstliche
red/vnd sünd wort gottes/der sich dahin verbunden hat/
er wil es lassen loß syn im hūel/wañ der p̄ster loß gibe.

¶ So sich dan zū das du ye nit zw̄yfelst/ es sey also vnd
soltestu ee vil mal sterben/ee du soltest zw̄yfeln an des p̄ie
sters v̄teyl/dan es ist Christus vnd gotts v̄teyl/kanstu dz
also glauben/so muß din hertz vor freūdē lachen/vnd der
gewalt des p̄sters liebhaben vnd got loben vnd danckē
das er durch menschen also dyn gewissen tröstet.

¶ Kanstu aber nit glauben/vnd meinst du seyst nit wir
dig solchs vergebens/also hastu nit gn̄ig gethon/so bite
got vmb den selben glauben/dan den mußtū haben/oder
mußt ewiglich versterben/vnd ist ein gewiß zeichen das du
zū wenig vnderricht bist im glauben/vnd zūvil in den wer
cken/tusent mal mer lygt daran/wie du festiglich glaubst
dem v̄teyl des p̄sters/dan wie du würdig seyst vñ gn̄ig
thūst. Ja der selb glaub macht dich würdig vnd hilfft dir
ein recht gn̄igthung machen. Also hilfft der gewalt der
schlüssel/nit die p̄ster als p̄ster/sonder allein die sünd
liche vnd blöde gewissen/die do gnad durch den glauben
empfehen/vnd ir hertz zū Friden vnd güter zūuersicht ge
gen got gesetzt wirt/daruf folgt dan das alles leben vnd
lyden lyche wirt/vnd der mensch mit freūden synem gne
digen got dienen kan/der sunst vor vn̄t̄w̄ syns hertze ny
mer kein rechtes werck thut/das heiße dan die süße bürde
vn̄sers herren Jesu Christi. Amen.

¶ Got sey lob vnd etc.

[Faint, illegible text, likely bleed-through from the reverse side of the page.]



